



مشیت جلیلمہ اسلامیہ نمک جریدہ رسیہ سید

جادی الاولیٰ ۱۳۳۴ [*]


عدد: ۲۳

آیدہ بر نشر اول نور

اوپنچی سنہ

تخمین اولنان قیمتک ثلثی بالتزویل باقی قالان مقدار نسبتندہ ایتام اداره لرنجہ اراثہ ایدیلہ جک بر شرکتہ اصحابی طرفدن صندوق نامنہ سیغورطہ ایدلمسی و سیغورطہ سی موجود ایسہ اداره یہ جیرو اولنسی لازمدر .

ایضاح : مثلاً عرصہ سنہ (۲۱۰۰۰) غروش و بناسنہ (۱۰۰۰۰) غروش تقدیر اولنان بر محله اون بش بیک غروش ادا نہ اولنہ جق اولسہ عرصہ یہ تخمین اولنان (۲۱۰۰۰) غروشک ثلثی اولان (۷۰۰۰) غروش ادا نہ اولنہ جق اون بش بیک غروشدن تنزیل اولندقدہ باقی سکز بیک غروش قالمقلہ اولمقدار سیغوریطہ طلب اولنہ جقدر .
 اخطار : اشبو مادہ معدله نظامنامہ و تعلیماتنامہ یی محتوی اولوب ایتام اداره لرنہ کوندرلمش اولان نسخہ نک نہایتندہ کی بوش صحیفہ یہ علاوہ ایدیلہ جکدر .



قوا خانہ عالی مک مقررات نقضیہ سی

اوقاف ہایون محکمہ شرعیہ سندن اعطا اولنان ۱۰ جمادی الاولی سنہ ۳۳۲ تاریخلی اعلامک اسباب نقضیہ سی :

اعلام مذکورده مدعا بہ دکانک بانیہ مشار الیہا طرفدن تبرعالوقف بنا وانشا ایدلدیکی دعوی و شہادتندہ ذکر و تصریح ایدلمش اولسنہ نظراً دکان مذکور حقندہ متبرعہ مشار الیہانک تعیین شروطہ صلاحیتی مفقود و بنا برین شرط محکی غیر معتبر اولمقلہ برابر قدیم جامع شریف حوالیسندہ ولو کہ جامعک مصالحی ایچون اولسون مستغلات انشاسی شرعا ممنوع اولمقلہ بوجہت ثابت اولدینی صورتندہ مذکور دکانک ہدم و قلعیلہ حریم مسجدک تفریق و حال اصلیسنہ ارجاعنہ اقتضا کوسترلمک ایجاب ایدر ایکن شرط مذکورہ بالابتنا دکانک ابقاسیلہ غلہ سنک امامتہ عائذیتہ اقتضا توقیعی اصولندہ دکلدر .



بیروت ولایتی مرکز محکمہ شرعیہ سندن اعطا اولنان ۴ ربیع الاخر سنہ ۳۳۴ تاریخلی اعلامک اسباب نقضیہ سی :

اعلام مذکورده لازقیہ قصبہ سندنہ اقامت ایدن مدعی علیہ غائب مزبور مصطفایہ ورقہ دعوتیہ ارسالی خلاف صلاحیت و عدم اجابتہ بالابتنا معاملہ غیابیہ یہ تصدی خلاف

اصول اولمقله برابر طلاق اول محکینک باین اولدینی ویا کذارش عدتله باینه انقلاب ایلدیکی دعوی و شهادتده غیرمیین بولندینی جهتله عقد ثانی و تسمیه اخیرده ده کی مهرک وجوبی غیر منفهم بولنش وعقد اولدن مهر مؤجل مذکور بیک غروش حقنדה شاهدان مزبوران مدعی علیه زوج مزبورک خارجا اقرارینه شهادت ایتدکری حالده شهادت واقعنهک اماره قویه ایله وجه تأیدی کوسترملکسزین قبول ومدار اتخازینه تصدی ایدلمش اولدیغندن سبکی مختلدر .

*
* *

اوقاف هایون محکمه شرعیه سندن معطی ۱۲ ذی القعده سنه ۱۳۳۳ تاریخلی اعلامک اسباب نقضیه سی :

اعلام مذکورده منازع فیه محکک هر صه سی قدیم جامع شریفک حولیسی اولدینی صورت اشعاردن منفهم اولمقلده اولوب خانیهک کتاب الوقفنده وواقعات المفتینده بیان اولدینی اوزره مسجدک حولیسنده مسکن ویا مستغل یایمق غیر صحیح بولندیغنه و صورت حکمه کوره محدث مذکور ابنیهک محل مذکورده قاله جغنه کوره حکم مذکور مختل اولدینی کی حسنی پاشا مرحوم طرفندن انشا اولدینی بیان اولنان ابنیهک دخی وقف ایدلمش اولدینی ثابت اولمامشدر. چونکه شهادتده مذکور اولان مشروط و شرط ایلدیکی تعیراتی کتب فقهیهده بیان اولنان الفاظ وقفدن دکلدر .

*
* *

سوریه ولایتی مرکزی اولان دمشق شام محکمه شرعیه سندن ۴ ربیع الاخر سنه ۱۳۳۴ تاریخنده اعطا اولنان اعلامک سبب نقضی :

استماع اولنان مخبرلردن بعضیلری « مرض » دیمکله بالا کتفا مرض واقع مرض موت اولدیغنی سویلامش ایکن شهادت واقع ایله مرض موت ثابت اولدی دنیهلرک بیعک عدم حخته حکم ایدلمسی مخالف شرع عالیدر .

